

20XX-IMI ISERTITANUT PAASISSUTISSAQ - A 11

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi §§-ini 30, 31 aamma 32-mi aalajangersakkat

§ 30	Akileraarutinin annertussusiliinerimi akileraarutissanillu naatsorsuinerimi atugassanik kikkulluunniit akileraarutit pillugit inatsimmi § 75, imm. 1-imi aamma 2-mi taaneqartunik suliffeqarfimmini aningaasarsianik akiliisoq ukiut tamaasa qaammatip januarip naannginnerani aningaasat taamaattut akilerneqartut tamarmiusut kiisalu akile-raarutit A-t unerartitat annertussusaannik nalunaaruteqassapput. Aammattaaq paasissutissat uku tunniunne-qassapput: 1) tiguisut ataasiakkaat aningaasarsiaat tamakkerlugit, ilanngullugit ajunngitsorsiat (tamakkiisumik imaluunniit ilaannakortumik akeqanngitsumik ajunngitsorsiat soorlu nerisaqarneq aamma ineqartinneqarneq, angalanerit, biilet, oqarasuaat aamma akeqanngitsumik internetteqarneq assigisaallu) 2) aningaasarsianit akileraarutit A-t unerartitat, 3) sulisut ataasiakkaat soraarnerussutisianut imaluunniit inuunermut sillimmasiinerannut sulisitsisut akiliutaat aningaasarsianit akileraarutit pillugit inatsisartut inatsisaanni § 41, imm. 2-p ataani ilaasut aningaasartaat tamarmiusut, 4) tiguisup aqqa, inuttut normua, najugaa aamma kommuni akileraartarfia aamma 5) paasissutaasinnaasut allat tiguisup kinaaneranik paasinninnissamut pisariaqartut, <i>Imm. 2.</i> Suliffeqarfik atorunnaarpat ukiumi aningaasarsiorfiusumi ingerlareersumi paasissutissat tunniunneqas-sapput kingusinnerpaamik aningaasarsitsivimmiit kingullermiit ullut qulit qaangiuppata. <i>Imm. 3.</i> Kikkulluunniit atuakkiortunut, erinniortunut, eqqumiitsuliortunut, oqalugiartartunut assigisaannulluun-niit aningaasarsitsisut, suliffeqarfimmik atornermut attartormulluunniit, kisermaassilluni atuisinnaanermut imaluunniit patentimik atuisinnaanermut akitsuutinik, ilusilersukkanut, nioqqutissap ilisarnaataanut assigisaan-nulluunniit akiliisoq, akitsuut ingerlaavartumik akilerneqartaraluarpat ataatsikkulluunniit akilerneqaraluarpat imm. 1-imi aalajangersagaq malillugu paasissutissanik tunniussisussaataappaat. <i>Imm. 4.</i> Akunermiliuttoq aqutugalugu aningaasarsianik akiliisoqarpat, taanna paasissutissiisussaataitaavoq, su-lisitsisoq paasissutissanik tunniussisinnaangippat. Sulisitsisoq, imaluunniit akunermiliuttoq, ikiortissarsiner-mini taassuma aqqanik, najugaqarfianik eqqortumik kiisalu inuup normuanik pissarsissaaq. <i>Imm. 5.</i> Paasissutissat akileraaruseriffimmut tunniunneqassapput.
§ 31	Tiguisartog § 30-mi taaneqartunik isertitaqartartoq Kalaallit Nunaanni akileraartussaataitaajunnaarpat, paasis-sutissiisussaataitaasoq qinnuivigineqarnini malillugu paasissutissiisaaq § 30-mi taaneqartut aningaasat anner-tussusaannik qaammatisiutit malillugit ukiup aallartineraniit akileraartussaataitaanerup atorunnaarnerata tu-ngaanut pineqartup aningaasarsiaannik kiisalu akileraarutit A-t unerartitat annertussusaannik. <i>Imm. 2.</i> Taamatuttaaq qinnuivigineqarneq malillugu pineqartoq taassumaluunniit sinniisua, imaluunniit toqu-sup qimataanik aqutsisuusinnaasoq, paasissutissanik tunineqassaaq.
§ 32	§ 30 aamma § 31, imm. 1 malillugu aningaasarsiaqartoq pillugu paasissutissat assilineranik aningaasarsiaqar-toq tunineqassaaq.

**Aningaasarsianit akileraarutit pillugit paasissutissanik nalunaaruteqartarneq pillugu
Namminersorlutik Oqarussat nalunaarutaannit nr. 8, 18. juni 2010-imeersumiit issuaanerit**

§ 2	<i>Ilinniagaqarnersiutit</i> Namminersorlutik Oqartussat ukiut tamaasa ukiup siuliani ilinniagaqarnersiutit ani-ngaasanngorlugit tunniunneqarsimasut pillugit paasissutissat akileraaruseriffimmut piumaffigineqaqqaaratik nassiuttassavaat, tassunga ilanngullugu aningaasanik tiguisut kikkunerinik, inuup normuanik ilalerlugit paasissutissiisassapput. <i>Imm. 2.</i> Paasissutissanik nalunaaruteqarnermi ilaatinneqartussap nalunaaruteqartussaataasumut kinaassutsini pillugu ilisimatitsissaaq, tassunga ilanngullugu inuttut normuni. <i>Imm. 3.</i> Paasissutissat nalunaarutigineqartut pillugit Namminersorlutik Oqartussat ilinniagaqarnersiutinik pisar-tagaqartut ilisimatittassavaat. <i>Imm. 4.</i> Nalunaaruteqarneq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataaerimut piumasaqaatinik annikinnerulersitsisinaanermut aamma ilinniagaqarnersiutinik pisartagaqartunut ilisimatitsisarneq pillugu.
§ 3	<i>Nalinik nalunaaruteqarneq</i> Tamakkiisumik ilaannakortumilluunniit ajunngitsorsiat soorlu akeqanngitsumik nerisaqarneq illusimanerlu, inigisaqarneq, najugaqarallarneq, angalanerit, biilit oqarasuaatillu il.il. pillugit nalunaaruteqarnermi, akileraaruserinermik ingerlatsineq pillugu Inatsisartut inatsisaanni § 30, imm. 1, nr. 4 naapertorlugu nalunaaruteqartussaataasup ajunngitsorsiap nalinga pillugu nalunaaruteqassaaq. Ajunngitsorsianut tunngatillugu ukiumut aningaasarsiorfiusumut pineqartumut nalit inatsisitigut aalajangersakkat imaluunniit nalit Naalakkersuisunit aalajanger-sarneqarsimasut naapertorlugit nalillisoqassaaq.
§ 4	<i>Meeqqanut akilersuutit</i> Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat malillugu Namminersorlutik Oqartussat kommunillu meeqqanut akilersuutinik akileeqqussissut, ukiut tamaasa piumaffigineqaqqaarnatik makku pillugit paasissutissanik akileraaruseriffimmut tunniussisassapput: 1) Akilersuisussaataasup inuttut normua najugaalu. 2) Akilersuutinik pissassaqartup inuttut normua najugaalu. 3) Ukiup siuliani akilersuisussaataasumiit akiliutigineqartut annertussusaat. <i>Imm. 2.</i> Paasissutissanik tunniussisussaataaneq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataaerimut piumasaqaatinik annikinnerulersitsisinnaalluni.
§ 5	<i>Pisortat tunitsivigineqartut attartortitsinerillu ilaannik isumaqatigiissuteqartut</i> Namminersorlutik Oqartussat, Naalakkersuisut allaffeqarfii, Inatsisartut allaffeqarfiat, Kalaallit Nunaata Radioa, suliffeqarfiit namminersortitat il.il. aamma Kalaallit Nunaanni kommunit, aalisarnermiit, piniarnermiit, aallaaniarnermiit, savaateqarnermiit tuttuuteqarnermiillu, eqqumiitsuliornermiit sanalunnermiillu tunisassianik tunitsi-vigineqarnermut atatillugu aningaasarsiat B-nik akiliuteqartartut ukiut tamaasa piumaffigineqaqqaaratik makku pillugit paasissutissanik akileraaruseriffimmut tunniussisassapput: 1) Aningaasarsiat B-nik tiguisup inuttut normua imaluunniit CVR-normua. 2) Ukiup siuliani tunisinermut atatillugu aningaasarsiat B-t tiguisumut tunniunneqartut annertussusaat. <i>Imm. 2.</i> Namminersorlutik Oqartussat kommunillu, inunnit angallammik, qimussimik allatigullu inunmut assar-tuummik attartortut ukiut tamaasa piumaffigineqaqqaaratik makku pillugit paasissutissanik akileraaruseriffim-mut tunniussisassapput: 1) Attartortitsisup inuttut normua imaluunniit IIN-normua. 2) Ukiup siuliani attartortitsisumut akissarsiatut tunniunneqartut annertussusaat. <i>Imm. 3.</i> Imm. 1 aamma 2-mi paasissutissanik taaneqartunik tunniussisussaataaneq pillugu najoqqutassanik er-seqqinnerusunik akileraaruseriffik aalajangersaasinnaavoq, tassunga ilanngullugu

	paasissutissiisussaataitaaner-mut piumasaqaatinik annikinnerulersitsisinnaalluni.
§ 6	<i>Nutserisut akissarsiaat</i> Translatørinut, oqalutsinut, nutserisunut assigisaannullu akissarsiat akileraarutit A-nut unerartitsinertaqanngitsunik akiliisoq ukiut tamaasa piumaffigineqaqqaarnani makku pillugit paasissutissanik akileraaruseriffimmut tunniussissaaq: 1) Tigusisup inuttut normua imaluunniit IIN-normua. 2) Ukiup siuliani tiguisumut akissarsiat tunniunneqartut annertussusaat. Imm. 2. Paasissutissanik tunniussisussaataitaaneq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataitaaner-mut piumasaqaatinik annikinneruler-sitsisinnaalluni.
§ 7	<i>Ilaasortaanermut akiliutit</i> Suliatigut peqatigiiffiit soorlu akileraaruserinermik ingerlatsineq pillugu Inatsisartut inatsisaanni § 33 c, imm. 1-imi taaneqartut ukiup siuliani ilaasortaniit akiliutit tiguneqartut pillugit ukiut tamaasa piumaffigineqaqqaarnatik paasissutissanik akileraaruseriffimmut tunniussisassapput, tassunga ilanngullugu ilaasortap akiliutaanut attuumassuteqartumut kinaassutsimut inuup normuanik ilalerlugit paasissutissat. Akiliutit nalunaarutigineqartut annertussusaat pillugit paasissutissiisussaq ilaasortanut nalunaaruteqassaaq. <i>Imm. 2.</i> Paasissutissanik nalunaaruteqarnermi ilaatinneqartussap nalunaaruteqartussaataitaasumut kinaassutsini pillugu ilisimatitsissaaq, tassunga ilanngullugu inuttut normuni. <i>Imm. 3.</i> Nalunaaruteqarnissaaq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataitaaner-mut piumasaqaatinik annikinnerulersitsisinnaalluni.
§ 9	<i>Piffissaq</i> §§-it 2-miit 8-mut paasissutissat taaneqartut ukiumi paasissutissanut attuumassuteqartut ukiup tulliani kingusinnerpaamik 31. januarimi akileraaruseriffimmut nalunaarutigineqassapput.

Isertitanut paasissutissiisutip - A11 - nassiuarnera

Isertitanik pissarsisoq aamma sulisitsisoq pillugit paasissutissat:

Inuup-normua	Sulisorisap inuttut-normua allanneqassaaq – taanna skattekortimi allaqqa-voq.
Atorfik, ateq najugarlu	Sulisorisap atorfia, aqqa najugaalu allanneqassapput – aqqa najugaalu skattekortimi allaqqapput.
Sulisitsisup IIN-normua, aqqa najugaalu	Sulisitsisup IIN-normua, aqqa najugaalu allanneqassapput.
Kommune akile- raarfik	Sulisorisap kommune akileraarfia allanneqassaaq – taanna skattekortimi allaqqavoq.

Piffissaq/-t atorfeqarfik/-it:

Immikkoortoq 100	Sulisorisaq ukioq tamaat sulisorineqarsimappat immikkoortoq 100 krydsiler-neqassaaq.
Immikkoortoq 101	Sulisorisaq ukiup ingerlanerani piffissami atasuinnarmi sulisorineqarsimappat immikkoortoq 101 immersorneqassaaq.

Aningaasarsiat A-t:

Immikkoortoq 110 Aningaasarsiat A-t	Aningaasarsiat A-t nalinginnaasut akileraarutit <u>ilanngaatigitinnagit</u> annertussusaat nalunaarutigineqassapput. Feeriaqarnerisiutit ilanngunneqarnissaat eqqaamaneqassaaq .
Immikkoortoq 110a	Nunani allani soraarnerussutisiassatigut aaqqissuussinermut akiliutit tamakkiisut akileraaruserneqartussat annertussusaat nalunaarutigineqassapput, takuuk Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 7, 6. juni 2016-imeersoq.
Immikkoortoq 110c	Pensioninik aningaasarsititsineq. Sulisoq soraarninngortoq sulisitsisumiit pensioninik aningaasarsisoq.
Immikkoortoq 110d	Aningaasarsianut akeqanngitsumik ajunngitsorsiat ilaappat, IMAQANNGITSOQ=NAAMIK, KRYDSILIGAQ=AAP
Immikkoortoq 115 DIS/GIS-imit isertitat	DIS/GIS-imit isertitat nalunaarutigineqassapput.
Immikkoortoq 116 Tunisanit isertitat	Aalisarnermit, piniarnermit aallaaniarnermit savaateqarnermillu tunisassianik Kalaallit Nunaanni tunisassiorfinnut tunisinermi isertitat tamarmiusut nalunaarutigineqassapput.
Immikkoortoq 117 Ilaasortaanermut akiliutit	KNAPK-mut ilaasortaanermut akiliutit nalunaarutigineqassapput.

Akileraarutit A-t unerartitat:

Immikkoortoq 130 Akileraarutit A-t unerartitat	Akileraarutit A-t unerartitat nalunaarutigineqassapput. Feeriaqarnersiutinit akileraarutit A-t unerartitat ilanngunneqarnissaat <u>eqqaamaneqassapput.</u>
Immikkoortoq 131	Nunani allani soraarnerussutisiassatigut aaqqissuussinermut akiliutinit akileraarutit A-t unerartitat nalunaarutigineqassapput.

Aningaasarsiat B-t:

Immikkoortoq 143 Nutserisutut akisarsiat il.il.	Translatørinut, oqalutsinut, nutserisunut assigisaannullu akissarsiat akileraarutit A-nut unerartitsivigineqartussaangitsut uani nalunaarutigineqassapput, takuuk nalunaarummi qulaani taaneqartumi § 6.
Immikkoortoq 149 Akeqanngitsumik najugaqartitaaneq	Sulisorisaq (bestyrerit aammalu hoteldirektøril.il.) akeqanngitsumik najugaqartitaasimappat, uani najugaqartitaanerup nalinga allanneqassaaq. Ilaqutaasut najugaqatigisimasaanut paasissutissat "Paasissutissat allat"-ni (immikkoortoq 190-imi) nalunaarutigineqassapput. Meeqqat ukiup aningaasarsiorfiup aallartinnerani 12-inik ukioqalersimanngitsut naliusup affaanut naatsorsuunneqassapput.
Immikkoortoq 152 Angallammik, qimussimik allatigullu attartornermi akiliutit	Angallammik, qimussimik allatigulluunniit attartornermi akiliutit nalunaarutigineqassapput, takuuk nalunaarummi qulaani taaneqartumi § 5.

Immikkoortoq 155 Allatigut aningaasarsiat B-t	Allatigut aningaasarsiat B-t akileraaruteqaataasussat suuneri kiisalu aningaasartai nalunaarutigineqassapput. MALUGIUK: Aningaasarsiat B-t assigiinngitsut ataasiinnaanatik amerlaneruppata ataatsimoorlugit nalunaarsorneqassanngimmata. Taamaattumik immikkut nalunaarsorneqassapput. Immersortagaq naapertorlugu nalunaarsorneqassappata Aningaasarsiat B siulleq Immikkoortoq 155-mut suunera aningaasartaalu nalunaarsorlugit. Aningaasarsiat B-t sinneri Immikkoortoq 190-mut nalunaarsorneqassapput suuneri aningaasartaalu immikkut nalunaarsorlugit. Qarasaasiaq aqputigalugu nalunaarsuineri Aningaasarsiat B-t immikkut A11-qassapput suuneri aningaasartaalu Immikkoortoq 155-mut nalunaarsorlugit. Tamanna isumaqarpoq inuup normua ataaseq marlunnik imaluunni amerlanerusunik Aningaasarsiaq B-nik isertitaqarsimappat, Aningaasarsiat B-t amerlassusaanik immikkut A-11-qassammat.
--	---

Paasissutissat allat:

Immikkoortoq 170 Soraarnerussutisi- assatigut aqqis- suussinernut aki- lersuutit	Sulisorisanut ataasiakkaanut tunngasut soraarnerussutisiatigut inuunermullu sillimmasiissutitigut aqqissuussinernut kiisalu soraarnerussutisiaqalernissaq siunertaralugu naafferartumik akilersuilluni sillimmasiutitut akiliutit, aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§-ini 39-mi aamma 40-mi pineqartunik sulisitsisup akilertai gai nalunaarutigineqassapput. Tamanna atuuppoq sulisitsisup sulisorisallu akornanni sillimmasiinermit akiliutissanik avitseqatigiinnissaminnik isumaqatigiissuteqarsimagaluarpataluunniit. §§-ini 39-mi aamma 40-mi pineqartut tassaapput soraarnerussutisiaqalernissaq siunertaralugu aqqissuussinernut akilersuutit aningaasarsianik akileraaruteqaataasusnaanngitsunik naatsorsuineri ilanngunneqartusnaanngitsut. Tassa imaappoq akiliutissat, sulisorisap aningaasarsiassaanit akileraarutit naatsorsorneqalertinnagit ilanngaatigineqareertussat.
Immikkoortoq 190 Paasissutissat allat	Paasissutissat allat: Assersuut: Nunani allani utoqqalineriassanut ileqqaakkat (felt 110a) – Ileqqaagaqarfiup aqqa kisiat allanneqassaaq Akeqanngitsumik najunaqartitaaneq (felt 149) - ilaqquttat najugaqatit aqqi aamma inuup normua Avataasiorluni nerisaqarnermi: Ullut qassiuneri kiisalu akiliutigineqarsimasut katillugit annertussusaat allanneqassapput. Paasissutissat allat: